

2010年中医古籍：《脉经》脉经卷第四平杂病脉第二 PDF转换可能丢失图片或格式，建议阅读原文

https://www.100test.com/kao_ti2020/651/2021_2022_2010_E5_B9_B4_E4_B8_AD_c22_651883.htm 讲述平杂病脉 滑为实，为下，又为阳气衰。数为虚，为热。浮为风，为虚。动为痛、为掠。沉为水、为实，又为鬼疟。弱为虚，为悸。迟则为寒，涩则少血，缓则为虚，洪则为气。紧则为寒，弦数为疟。疟脉自弦，弦数多热，弦迟多寒。微则为虚，代散则死。弦为痛痹，偏弦为饮，双弦则胁下拘急而痛，其人恶寒。脉大，寒热在中。伏者，霍乱。安卧脉盛，谓之脱血。凡亡汗，肺中寒，饮冷水，咳嗽，下利，胃中虚冷，此等其脉并紧。浮而大者，风。浮而大者，中风，头重鼻塞。浮而缓，皮肤不仁，风寒入肌肉。滑而浮散者，摊缓风。滑者，鬼疟。涩而紧，痹病。浮洪大长者，风眩癫疾。大坚疾者，癫病。弦而钩，胁下如刀刺，状如蜚尸，至困不死。紧而急者，遁尸。洪大者，伤寒热病。浮洪大者，伤寒。秋吉，春成病。浮而滑者，宿食。浮滑而疾者，食不消，脾不磨。短疾而滑，酒病。浮而细滑，伤饮。迟而滑，中寒，有症结。而紧，积聚，有击痛。弦急，疝瘕，小腹痛，又为痹病。迟而滑者，胀。盛而紧曰，胀。弦小者，寒。沉而弦者，悬饮内痛。弦数，有寒饮，冬夏难治。紧而滑者，吐逆。小弱而涩，胃反。迟而缓者，有寒。微而紧者，有寒。沉而迟，腹藏有冷病。微弱者，有寒，少气。实紧，胃中有寒，苦不能食，时时利者，难治。滑数，心下结，热盛。滑疾，胃中有热。缓而滑，曰热中。沉而急，病伤寒，暴发虚热。浮而绝者，气急。辟大而滑，中有短气。浮短者，其人肺伤，诸气微少，不过一

年死，法当嗽也。沉而数，中水，冬不治，自愈。短而数，心痛心烦。弦而紧，胁病，脏伤，有瘀血。沉而滑，为下重，亦为背脊痛。脉来细而滑，按之能虚，因急持直者僵仆，从高堕下，病在内。微浮，秋吉，冬成病。微数，虽甚不成病，不可劳。浮滑疾紧者，以合百病，久易愈。阳邪来，见浮洪。阴邪来，见沉细。水谷来，见坚实。脉来乍大乍小、乍长乍短者，为祟。脉来洪大者，社祟。脉来沉沉泽泽，四肢不仁而重，土祟。脉与肌肉相得，久持之至者，可下之。弦小紧者，可下之。紧而数，寒热俱发，必下乃愈。弦迟者，宜温药。紧数者，可发其汗。特别推荐：[#0000ff>2010年中医执业医师考试成绩查询及合格分数线](#) [#0000ff>2010年中医执业医师考试考后真题与答案](#) 更多信息请访问：[#0000ff>中医执业医师网校](#) [#0000ff>医师互动交流](#) [#0000ff>百考试题在线题库](#) 相关推荐：[#0000ff>2010年中医古籍：食疗本草\[卷下\]黍米 寒](#) [#0000ff>2010年中医古籍：食疗本草\[卷下\]青粱米](#)
100Test 下载频道开通，各类考试题目直接下载。详细请访问 www.100test.com